



## ANÚNSIU KONKURSU NO SELESAUN BAZE BA MÉRITU (Konkursu Internu ba Kargu Diresaun sira)

Komisaun Funsan Públika, iha Orientasoens nú. 2/2010, nú 8/2016 no Dekretu-Lei nú. 34/2008, 27 Agostu, ho alterasaun fó ba Dekretu-Lei nú. 22/2011, 8 Juñu, Dekretu-Lei nú. 7/2024 Alterasaun dahuluk ba Dekretu-Lei nú. 25/2016, 29 Juñu, kona ba Rejime Kargus Diresaun no Chefia iha Administrasaun Públika, fo-sai anúnsiu konkursu internu hodi halo selesaun bazeia-ba méritu ba Kargu Diresaun sira iha Ministériu Finansas nia laran ho durasaun tinan hat (4).

Tamba ne'e, Ministériu Finansas hakarak konvida Funsionáriu Públiku sira ne'ebé qualifikadu no servisu iha área jestaun finansas públika hodi hola parte iha prosesu rekutamentu refere.

Deskrisaun detallu kona-ba vága no Termu Referensia sira hotu bele asesá liu-husi website Ministériu Finansas nian nomos Komisaun Funsan Públika nian, inklui Facebook Oficial Komisaun Funsan Públika no Direccção Geral Serviços dos Corporativos – Ministériu Finansas hanesan tuir mai:

Website Ministériu Finansas: [\[Link\]](#)

Website Komisaun Funsan Públika: [\[Link\]](#)

Formatu Resposta click [download](#) hodi hetan

Aliende submete Résume (CV) no Kópia Diploma habilitasaun akadémika, aplikante sira mos tenke responde perguntas spesífiku tolu (3) hanesan tuir mai ne'e:

### **Perguntas 1:**

Ministériu Finansas mak asumi papél importante atu assegura efisiensia no responsável ba orsamentu estadu nian. Favor fo esplikaun badak funsaun prinsipál rua (2) husi Jestaun Finansas Públika nian, no oinsa ninia kontribuisaun hodi atinje metas inklui ninia impaktu ba dezvoltamentu nasaun nian.

### **Perguntas 2:**

Nudar parte husi ita nia aplikasaun, ita-bo'ot tenke indika vaga tolu (3) ne'ebé ita iha interese atu aplika. Favor elabora oituan kona-bá ita nia motivaun tamba-sá hili vaga/pozisaun hirak ne'e. Hare'e husi responsabilidade no kualifikasaun husi kada pozisaun, tamba-sá ita fiar katak vaga ne'e diak ba ita hodi aplika, no oinsá maka ita nia esperiensia no kualifikasaun ne'e bele kontribui ba atinji metas hirak ne'ebé hatu'ur iha Planu Statéjiku Dezvoltamentu?

### **Perguntas 3:**

Ministériu Finansas fo prioridade boot ba iha kódigu konduta, étika servisu, no kompromisu ba servisu públiku nian. Favor deskreve oituan situasaun spesífiku balun husi ita nia esperiensia servisu wainhira ita aplika kualidade hirak ne'e. Oinsa komportamentu hirak ne'e fo kontribuisaun pozitivu ba iha ita nia dezempeñu?

Ami enkoraja kandidatu hotu ne'ebé elijivel atu le'e didiak ToR vaga sira, nomos fo resposta badak ida ne'ebé bele refleta ita boot nia kualifikasaun no esperiensia. Aplikantes hirak ne'ebé la responde di'ák perguntas sira ami sei la konsidera.

Durasaun submisaun aplikasaun durante loran 10 nia laran hahú husi loran **Kinta -feira, 18 Abril to'o Kinta-feira, 02 Maíu 2024**. Karta Aplikasaun sei diriji ba Presidente Juri,



S.E. Sra. Ministra Finanças, Santina J.R.F. Viegas Cardoso. Aplikasaun hotu-hotu sei submete diretamente liu-husi email ba iha: [selesaunmeritu@mof.gov.tl](mailto:selesaunmeritu@mof.gov.tl).

Dili, 18 Abril 2024

**Santina J.R.F. Viegas Cardoso**  
Presidente Juri

